

Zbog neplaćanja blokirani račun 36.000 firmi u BiH

09/03/2009 11:02 by BanjaLukaSrcu

Zbog nemogućnosti da izmire obaveze prema bankama, državi i drugim kompanijama, više od 36.000 firmi u BiH je potpuno ili djelimično blokirano, što predstavlja povećanje od 30 posto u odnosu na 2007. godinu.

Ovo je za "Dnevni avaz" potvrdio izvršni direktor Kreditnog biroa LRC Emil Kučković.

On precizira da su potpuno blokirani račun više od 20.000 firmi, a djelimično kod njih 16.000.

- Trend povećanja broja blokiranih firmi se nastavlja i u prva dva mjeseca ove godine povećao se za još osam posto, što je alarmantno. Evidentno je da je recesija duboko zahvatila mala i srednja preduzeća. Mi ćemo i dalje pratiti situaciju, ali sigurno je da će ih biti još više - ističe Kučković.

Najčešći razlog blokiranja računa je neizmirenje obaveza prema privrednicima, koji onda pokreću sudske postupke, ali zabilježeno je i neplaćanje obaveza prema bankama ili utaja poreza.

Kučković navodi da su za ovakvo stanje krive prije svega banke koje su prestale plasirati kredite pa firme koje su inače bile redovne platiše sada ne mogu obezbijediti sredstva za podmirenje svih obaveza.

- Problem je što sada svako svakomeuguje, jer firme redovne platiše bez obrtnih sredstava u vidu kredita i same postaju dužnici. Šteta se stvara lančana reakcija. Pri blokiranju računa zbog neplaćanja obaveza prioritet imaju banke i porezne uprave pa tek onda privrednici. Račun se može blokirati i zbog duga od 100-200 KM - kaže Kučković.

Dodaje da se protiv dužnika najčešće pokreću sudski postupci, što i nije najbolje rješenje, jer do donošenja odluke prođe najmanje godina. No, pitanje je, smatra Kučković, da li će dužnik do tada opstati na tržištu, te da li će imati sredstava da vrati dug.

Baza podataka privrednih subjekata

Kučković ističe da je LRC napravio bazu podataka u kojoj su registrirani svi privredni subjekti, njihovi račun i te obaveze prema dobavljačima.

- Na taj način firme mogu provjeravati mogu li njihovi klijenti izmiriti obaveze ili tražiti da se već postojeći dug evidentira na porezni broj firme. Šteta je je ona obilježena kao neplatiša - kaže Kučković.

Autor: M. AVDIĆ

Izvor vijesti: Dnevni Avaz